


校定
 禮記
 改點
 元

413
 836
 8



門 4 13
號 836
卷 8

禮記集說序

前聖繼天立極之道莫大於禮後聖垂世立教之書亦莫先於禮禮儀三百威儀三千孰非精神心術之所寓故能與天地同其節四代損益世遠經殘其詳不可得聞矣儀禮十七篇戴記四十九篇先儒表章庸學遂爲千萬世道學之淵源其四十七篇之

文雖純駁不同然義之淺深同異誠未易言也。鄭氏祖識緯孔疏惟鄭之從雖有他說不復收載固爲可恨然其灼然可據者不可易也。近世應氏集解於雜記大小記等篇皆闕而不釋噫慎終追遠其關於人倫世道非細故而可略哉。先君子師事雙峰先生十有四年以是經三領鄉書爲開

慶名進士所得於師門講論甚多中罹煨燼隻字不遺不肖孤僭不自量會萃衍繹而附以臆見之言名曰禮記集說蓋欲以坦明之說使初學讀之卽了其義庶幾章句通則溫奧自見正不必高爲議論而卑視訓詁之辭也。書成甚欲就正于四方有道之士而衰年多疾遊歷良艱姑藏巾笥。

以俟來哲

治教方興。知禮者或有取焉。亦愚者千慮之一爾。至治壬戌良月既望。後學東匯澤陳澔序。

[Faint bleed-through text from the reverse side of the page]

禮記

曲禮上第一

曲禮曰。毋不敬。母音無。禁止辭。儼若思。安定辭。安民哉。○教

不可長。教五報反。長貞兩反。欲不可從。縱音。志不可滿。樂不可極。樂音洛。

○賢者狎而敬之。狎戶甲反。畏而愛之。愛而知其惡。憎而

知其善。積而能散。安安而能遷。臨財毋苟得。臨難

毋苟免。難乃旦反。很毋求勝。很胡懇反。分毋求多。分扶問反。疑事毋質。直

而勿有。○若夫坐如尸。夫音扶。立如齊。齊音齋。○禮從宜。使

從俗。使色吏反。夫禮者。所以定親疏。決嫌疑。別同異。別彼列反。明

禮記卷第一 曲禮上第一

是非也禮不妄說人說音悅不辭費禮不踰節不侵侮

不好狎好呼報反脩身踐言謂之善行下孟反行脩言道禮

之質也禮聞取於人不聞取人禮聞來學不聞

往教道德仁義非禮不成教訓正俗非禮不備

分爭辨訟非禮不決君臣上下父子兄弟非禮不

定官學事師非禮不親班朝治軍朝音蒞官行法蒞黎至反

非禮威嚴不行禱祠祭祀禱丁老反供給鬼神供音恭非禮不

誠不莊是以君子恭敬撝節退讓以明禮撝祖本反鸚

鵲能言鸚厄耕反鵲音武不離飛鳥離力智反猩猩能言猩音生不離禽獸

今人而無禮雖能言不亦禽獸之心乎夫惟禽獸

無禮故父子聚麀聚共也麀音憂是故聖人作朱子曰聖人作絕句為禮以

教人使人以有禮知自別於禽獸大上貴德天音泰

其次務施報施以鼓反禮尚往來往而不來非禮也來而

不往亦非禮也人有禮則安無禮則危故曰禮

者不可不學也夫禮者自卑而尊人雖負販者販方萬反

必有尊也而況富貴乎富貴而知好禮則不驕不

淫貧賤而知好禮則志不懾懾之涉反人生十年曰幼

學二十曰弱冠古亂反三十曰壯有室四十曰強而仕

五十曰艾五蓋反服官政六十曰耆渠夷反指使七十曰老

而傳八十九十曰耄忘報反七年曰悼悼與耄雖有罪

不加刑焉百年曰期音昔頤音也大夫七十而致事

若不得謝則必賜之几杖行役以婦人適四方乘

安車自稱曰老夫於其國則稱名越國而問焉必

告之以其制長竹杖反謀於長者杖反必操几杖以從之操七刀反

長者問不辭讓而對非禮也凡為人子之禮冬

溫而夏清七性反昏定而晨省悉井反在醜夷不爭夫為

人子者三賜不及車馬故州閭鄉黨稱其孝也兄

弟親戚稱其慈也僚友稱其弟也第大計反執友稱其仁

也交遊稱其信也見父之執不謂之進不敢進不

謂之退不敢退不問不敢對此孝子之行也夫

為人子者出必告音楷反必面所遊必有常所習必

有業恆言不稱老年長以倍則父事之十年以

長則兄事之五年以長則肩隨之羣居五人則長

者必異席為人子者居不主奧坐不中席行

不中道立不中門食饗不為槃食音嗣祭祀不為尸

聽於無聲視於無形不登高不臨深不苟訾音紫不

禮記

卷之

苟笑。孝子不服闇。音暗不登危懼辱親也。○父母存

不許友以死。不有私財。○為人子者，父母存，冠衣

不純素，孤子當室，冠衣不純采。○幼子常視母，誑

童子不衣裘裳。衣於友立必正方，不傾聽。長者

與之提攜。提大分反，攜戶圭反則兩手奉長者之手。奉芳勇反負劍辟咷

詔之。辟音僻，偏也，咷音二，口旁也，詔告語也則掩口而對。○從於先生，從才用反不越

路而與人言，遭先生於道，趨而進，正立拱手。先生

與之言，則對；不與之言，則趨而退。○從長者而上

丘陵，上時掌反則必鄉長者所視。登城不指，城上不呼。火故反

○將適舍，求母固。○將上堂，聲必揚。戶外有二屨

言聞則入，聞音問言不聞則不入。將入戶，視必下入

戶，奉扃，古螢反視瞻母，回戶開，亦開戶，闔亦闔，有後入

者，闔而勿遂，毋踐屨，毋踏席。踏音迹，猶躐也搯衣趨隅，搯苦侯反，提也，趨猶

必慎，唯諾。唯手癸反○大夫士出入君門，由闈右，闈魚列反不

踐闈。音域○凡與客人者，每門讓於客。客至於寢門，

則主人請入為席。為猶布也然後出迎客。客固辭，主人肅

容而入。主人入門而右，客人入門而左。主人就東階

客就西階。客若降等，則就主人之階。主人固辭，然

後客復就西階服主人與客讓登主人先登客從

之拾級聚足拾音步連步以上上於東階則先右足上

於西階則先左足博平惟薄之外不趨博反堂上不趨

執玉不趨堂上接武接武足跡相接也堂下布武室中不翔

竝坐不橫肱授立不跪授坐不立凡為長者糞

之禮為于偽反糞除穢也必加帚於箕上帚之手反以袂拘而退袂武世反拘音溝其

塵不及長者以箕自鄉而扱之扱音吸效取也○奉席如橋

衡勇反請席何鄉請衽何趾衽而審反席南鄉北鄉以西方

為上東鄉西鄉以南方為上若非飲食之客則布

席席間曰文國胡南反主人跪正席客跪撫席而辭客徹

重席龍反主人固辭客踐席乃坐主人不問客不先

舉將即席容毋怍才落反兩手摳衣去齊尺齊音咨衣毋撥

足毋蹶居衛反○先生書策琴瑟在前坐而遷之戒

勿越虛坐盡後食坐盡前坐必安執爾顏長

者不及毋僂言僂仕鑿反正爾容聽必恭毋勦說勦初效反毋雷

同必則古昔稱先王○侍坐於先生先生問焉終

則對請業則起請益則起○父召無諾先生召無

諾唯而起○侍坐於所尊敬無餘席見同等不起

禮記卷之十一

燭至起食至起上客起燭不見跋見音現跋音鉞本也尊容之前

不叱狗讓食不唾吐臥反侍坐於君子君子欠伸欠丘反

撰杖履撰須克反猶持也視日蚤莫蚤音早莫音暮侍坐者請出矣侍

坐於君子君子問更端則起而對侍坐於君子若

有告者曰少間願有復也聞音開復白也則左右屏而待屏音丙猶

也退也母側聽母噉應噉音叫母淫視母怠荒遊母倨遊行也倨

立母跛彼義反偏任一足也坐母箕寢母伏覆也斂髮母髻音替髮也

冠母免勞母袒暑母褰裳褰揭也侍坐於長者屨不

上於堂解屨不敢當階解脫也就屨跪而舉之就猶著也屏於

側鄉長者而屨跪而遷屨俯而納屨○離坐離立

毋往參焉兩相麗之謂離三相成之謂參離立者不出中間○男女不雜

坐不同施枷施音移枷音架不同巾櫛側反不親授嫂叔不通

問諸母不漱裳漱悉候反外言不入於梱苦本反內言不出於

梱女子許嫁纓非有大故不入其門姑姊妹女子

子已嫁而反兄弟弗與同席而坐弗與同器而食

父子不同席男女非有行媒梅音不相知名非受幣

不交不親故日月以告君齊戒以告鬼神齊側皆反為酒

食以召鄉黨僚友以厚其別也別彼列反取妻不取同姓

故買妾不知其姓則卜之。○寡婦之子非有見焉

弗與為友。○賀取妻者曰某子使某聞子有客使

某羞。○貧者不以貨財為禮老者不以筋力為禮

○名子者不以國不以日月不以隱疾不以山

川。○男女異長男子二十冠而字父前子名君前

臣名女子許嫁笄而字（笄古兮反）。○凡進食之禮左殺右

殺（殺戶交反）。食居人之左（食音嗣）。羹居人之右（羹音拓）。膾炙處外（膾音拓）。醯醬處內（醯呼奚反）。蔥淥處末（淥音齋）。酒醬處右以脯脩置者

左胸右末（胸音切）。客若降等執食興辭主人興辭於客

然後客坐主人延客祭祭食祭所先進殺之序徧

祭之三飯主人延客食（殺）然後辯殺（辯音徧）主人未辯

客不虛口。○侍食於長者主人親饋則拜而食主

人不親饋則不拜而食共食不飽共飯不澤手毋

搏飯（搏徒九反）毋放飯毋流歎（悅川反）毋咤食（咤陟嫁反）毋齧骨毋反

魚肉毋投與狗骨毋固獲毋揚飯飯黍毋以箸毋

嚙羹（嚙音塔）毋絮羹（絮搗據反就器中調和也）毋刺齒（刺七迹反）毋歎醯（醯音海）客祭

羹主人辭不能亨（亨音烹）客歎醯主人辭以窶（窶其兩反）濡肉

齒決乾肉不齒決（乾音干）毋嘍炙（嘍楚怪反）卒食客自前跪徹

飯齊以授相者（齊賤西反）主人興辭於客然後客坐○

侍飲於長者酒進則起拜受於尊所長者辭少者

反席而飲（召反）長者舉未醕（子妙反飲）少者不敢飲長者

賜少者賤者不敢辭○賜果於君前其有核者懷

其核（戶革反）御食於君君賜餘器之漑者不寫其餘皆

寫○餽餘不祭（餽音）父不祭子夫不祭妻○御同於

長者雖貳不辭偶坐不辭○羹之有菜者用挾（音煩）

其無菜者不用挾○為天子削瓜者副之（削刊也副音）

巾以絺（音）為國君者華之（華胡瓜反）巾以綌（音）為大夫

累之（累方果反）士寔之（寔音帝謂）庶人齧之（齧限汝反）○父母有

疾冠者不擯行不翔言不惰（徒禾反）琴瑟不御食肉不

至變味飲酒不至變貌笑不至矧（失忍反齒）怒不至詈

而坐○水潦降（潦音）不獻魚鼈獻鳥者佛其首（佛符勿反）

畜鳥者則勿佛也（音許）獻車馬者執策緩獻甲者

執冑（直又反）獻杖者執末獻民虜者操右袂（操疏云操）獻粟

者執右契（苦計反）獻米者操量鼓（量音）獻熟食者操醬齊

獻田宅者操書致○凡遺人弓者（遺云）張弓尚筋

賤西反

禮記

弛弓尚角

弛式

右手執簫左手承弣

撫音

尊卑垂悅

稅音

若主人拜則客還辟

還音旋辟音

辟拜

避音

主人自受由

客之左接下承弣鄉與客竝然後受進劍者左首

進戈者前其鐔

在困

後其刃進矛戟者前其鏃

隊音

進几杖者拂之效馬效羊者右牽之效犬者左牽

之執禽者左首飾羔鴈者以績

胡對

受珠玉者以掬

受弓劍者以袂飲玉爵者弗揮

凡以弓劍苞

苴簞筥問人者

苴子餘反單音單筥思嗣反問遺之也

操以受命如使之容

凡為君使者已受命君言不宿於家君言至則主

人出拜君言之辱使者歸則必拜送于門外若使

人於君所則必朝服而命之使者反則必下堂而

受命博聞強識而讓敦善行而不怠謂之君子

君子不盡人之歡不竭人之忠以全交也禮曰

君子抱孫不抱子此言孫可以為王父尸子不可

以為父尸為君尸者大夫士見之則下之君知所

以為尸者則自下之尸必式乘必以几齊者不

樂不弔

齊側

居喪之禮毀瘠不形

瘠在昔反

視聽不衰升

降不由阼階出入不當門隧

遂音

居喪之禮頭有創

則沐創初身有瘍則浴瘍音有疾則飲酒食肉疾止復

初不勝喪勝音乃比於不慈不孝五十不致毀致極也六

十不毀七十唯衰麻在身衰音飲酒食肉處於內

生與來日與猶數也死與往日○知生者弔知死者傷知

生而不知死弔而不傷知死而不知生傷而不弔

○弔喪弗能賻附音不問其所費問疾弗能遺不問

其所欲見人弗能館不問其所舍賜人者不曰來

取與人者不問其所欲○適墓不登龍力勇助葬必

執紼弗音臨喪不笑揖人必違其位望柩不歌柩求又反

臨不翔臨力當食不歎鄰有喪春不相息亮里有殯不

巷歌適墓不歌哭日不歌送喪不由徑送葬不辟

塗潦辟音臨喪則必有哀色執紼不笑臨樂不歎介

冑則有不可犯之色故君子戒慎不失色於人○

國君撫式大夫下之大夫撫式士下之禮不下庶

人○刑不上大夫上時○刑人不在君側○兵車不

式武車綏旌綏而追反德車結旌○史載筆士載言前有

水則載青旌戴音戴前有塵埃則載鳴鳶悅專前有車

騎其寄則載飛鴻前有士師則載虎皮前有摯獸摯音

則載貔貅貔貅支反行前朱鳥而後玄武左青龍而右

白虎招搖在上急繕其怒進退有度左右有局各

司其局父之讎弗與共戴天兄弟之讎不反兵

交遊之讎不同國四郊多壘此卿大夫之辱

也地廣大荒而不治此亦士之辱也臨祭不惰

祭服敝則焚之祭器敝則埋之龜筮敝則埋之筮初格反

牲死則埋之凡祭於公者必自徹其俎卒哭

乃諱呼貴反禮不諱嫌名一名不偏諱逮事父母則諱

王父母不逮事父母則不諱王父母君所無私諱

大夫之所有公諱詩書不諱臨文不諱廟中不諱

夫人諱雖質君之前臣不諱也婦諱不出門大功

小功不諱入竟而問禁竟音境入國而問俗入門而問

諱外事以剛日內事以柔日凡卜筮日旬之

外曰遠某日旬之內曰近某日喪事先遠日吉事

先近日曰為日假爾泰龜有常假因也託也假爾泰筮有

常卜筮不過三卜筮不相襲因也龜為卜筮為筮卜

筮者先聖王之所以使民信時日敬鬼神畏法令

也所以使民決嫌疑定猶與也與音預故曰疑而筮之

禮記

卷之十一

則弗非也日而行事則必踐之○君車將駕則僕

執策立於馬前已駕僕展軛效駕展視也軛音零車之軛頭效白也奮衣

由右上取貳綏跪乘執策分轡悲位反驅之五步而立

君出就車則僕并轡授綏并必政反左右攘辟避音車驅而

騶騶音驟至于大門君撫僕之手而顧命車右就車門

閭溝渠必步○凡僕人之禮必授人綏若僕者降

等則受不然則否若僕者降等則撫僕之手不然

則自下拘之拘音溝○客車不入大門婦人不立乘犬

馬不上於堂○故君子式黃髮下卿位入國不馳

入里必式○君命召雖賤人大夫士必自御之御讀為牙

也迎○介者不拜為其拜而斐拜斐子臥反○祥車曠左乘

君之乘車下乘繩證反不敢曠左左必式僕御婦人則進

左手後右手御國君則進右手後左手而俯○國

君不乘奇車奇居宜反車上不廣欬開代反不安指立視五雋

式視馬尾顧不過轂○國中以策彗卹勿驅卹音遂卹

塵不出軌○國君下齊牛式宗廟大夫士下

公門式路馬○乘路馬必朝服載鞭策不敢授綏

左必式步路馬必中道以足蹙路馬芻有誅蹙與齒

校定音訓

禮記一

十一

路馬有誅。

曲禮下第二

凡奉者當心奉芳提者當帶執天子之器則上衡上時

國君則平衡高也衡大夫則綏之綏音安士則提之凡

執主器執輕如不克執主器操幣圭璧操七則尚左

手行不舉足車輪曳踵立則磬折垂佩主佩倚則

臣佩垂主佩垂則臣佩委執玉其有藉者則裼藉在

無藉者則襲錫○國君不名卿老世婦大夫不名

世臣姪娣姪音送士不名家相長妾○君大夫之子不

敢自稱曰余小子大夫士之子不敢自稱曰嗣子

某不敢與世子同名○君使士射不能則辭以疾

言曰某有負薪之憂○侍於君子不顧望而對非

禮也○君子行禮不求變俗祭祀之禮居喪之服

哭泣之位皆如其國之故謹脩其法而審行之去

國三世爵祿有列於朝直送出入有詔於國若兄弟

宗族猶存則反告於宗後去國三世爵祿無列於

朝出入無詔於國唯興之日從新國之法○君子

已孤不更名已孤暴貴不為父作諡為于偽父居喪未

葬讀喪禮既葬讀祭禮喪復常讀樂章居喪不言

樂祭事不言凶公庭不言婦女○振書端書於君

前有誅倒筴側龜於君前有誅○龜筴几杖席蓋

重素重直衿絺綌衿音軫單也絺耻不入公門苞履苞讀為蕪扱衽扱音

厭冠厭於不入公門書方衰催音凶器不以告不入

公門○公事不私議○君子將營宮室宗廟為先

廡庫為次廡九居室為後凡家造祭器為先犧賦為

次養器為後養羊無田祿者不設祭器有田祿者先

為祭服君子雖貧不粥祭器粥音雖寒不衣祭服衣於

為宮室不斬於丘木○大夫士去國祭器不踰竟

境音大夫寓祭器於大夫寓音士寓祭器於士○大夫

士去國踰竟為壇位壇音鄉國而哭鄉許素衣素裳素

冠徹緣悅綃鞮履鞮音素箴莫曆乘髦馬髦音不蚤鬻蚤音爪

不祭食不說人以無罪婦人不當御三月而復服

○大夫士見於國君見音君若勞之勞方則還辟還音旋

再拜稽首君若迎拜則還辟不敢答拜○大夫士

相見雖貴賤不敵主人敬客則先拜客敬主人

則先拜主人○凡非弔喪非見國君無不答拜者

○大夫見於國君國君拜其辱士見於大夫大夫拜其辱同國始相見主人拜其辱○君於士不答拜也非其臣則答拜之大夫於其臣雖賤必答拜之男女相答拜也○國君春田不圍澤大夫不掩群士不取麇卵麇音迷卵力管友○歲凶年穀不登成也君膳不祭肺及芳廢馬不食穀馳道不除祭事不縣音玄大夫不食梁士飲酒不樂○君無故玉不去身大夫無故不徹縣士無故不徹琴瑟○士有獻於國君他日君問之曰安取彼再拜稽首而后對○大夫私行

出疆必請反必有獻士私行出疆必請反必告君勞之則拜問其行拜而后對○國君去其國止之曰奈何去社稷也大夫曰奈何去宗廟也士曰奈何去墳墓也國君死社稷大夫死衆士死制○君天下曰天子朝諸侯分職授政任功曰予一人踐阼臨祭祀內事曰孝王某外事曰嗣王某臨諸侯畛於鬼神畛音軫曰有天王某甫崩曰天王崩復曰天子復矣告喪曰天王登假遐音措之廟措七古反置也立之主曰帝天子未除喪曰予小子生名之死亦名之○

禮記卷之十一

天子有后有夫人有世婦有嬪有妻有妾○天子
建天官先六大泰音曰大宰大宗大史大祝大士大
卜典司六典天子之五官曰司徒司馬司空司士
司寇典司五衆天子之六府曰司土司木司水司
草司器司貨典司六職天子之六工曰土工金工
石工木工獸工草工典制六材○五官致貢曰享
吏天子同姓謂之伯父異姓謂之伯舅自稱於諸
侯曰天子之老於外曰公於其國曰君九州之長
入天子之國曰牧天子同姓謂之叔父異姓謂之
叔舅於外曰侯於其國曰君其在東夷北狄西戎
南蠻雖大曰子於內自稱曰不穀於外自稱曰王
老庶方小侯入天子之國曰某人於外曰子自稱
曰孤○天子當依而立依於諸侯北面而見天子曰
覲天子當宁而立宁珍諸公東面諸侯西面曰朝諸
侯未及期相見曰遇相見於卻地曰會卻音諸侯使
大夫問於諸侯曰聘約信曰誓泣牲曰盟○諸侯
見天子曰臣某侯某其與民言自稱曰寡人其在

凶服曰適子孤。適丁臨祭祀內事曰孝子某侯某外。歷反事曰曾孫某侯某死曰薨復曰某甫復矣既葬見天子曰類見言謚曰類諸侯使人使於諸侯。下硬色使者自稱曰寡君之老。○天子穆穆諸侯皇皇大夫濟濟。子禮反士蹇蹇。七羊反庶人僬僬。子妙反○天子之妃曰后諸侯曰夫人大夫曰孺人士曰婦人庶人曰妻公侯有夫人有世婦有妻有妾夫人自稱於天子曰老婦自稱於諸侯曰寡小君自稱於其君曰小童自世婦以下自稱曰婢子子於父母則自名也。

○列國之大夫入天子之國曰某士自稱曰陪臣某於外曰子於其國曰寡君之老使者自稱曰某。○天子不言出諸侯不生名君子不親惡諸侯失地名滅同姓名。○為人臣之禮不顯諫三諫而不聽則逃之子之事親也三諫而不聽則號泣而隨之。號戶反○君有疾飲藥臣先嘗之親有疾飲藥子先嘗之醫不三世不服其藥。○僂人必於其倫。僂魚起反○問天子之年對曰聞之始服衣若干尺矣問國君之年長曰能從宗廟社稷之事矣幼曰未能從宗

禮記卷之...

廟社稷之事也。問大夫之子，長曰能御矣，幼曰未能御也。問士之子，長曰能典謁矣，幼曰未能典謁也。問庶人之子，長曰能負薪矣，幼曰未能負薪也。○問國君之富，數地以對。數色主反山澤之所出，問大夫之富，曰有宰食力，祭器衣服不假，問士之富，以車數對，問庶人之富，數畜以對。畜許又反○天子祭天地，祭四方，祭山川，祭五祀，歲徧諸侯，方祀祭山川，祭五祀，歲徧大夫，祭五祀，歲徧士，祭其先。○凡祭有其廢之，莫敢舉也，有其舉之，莫敢廢也，非其所祭而祭之名曰淫祀，淫祀無福。○天子以犧牛，諸侯以肥牛，大夫以索牛，士以羊豕。○支子不祭，祭必告于宗子。○凡祭宗廟之禮，牛曰一元大武，豕曰剛鬣。力輒反豚曰腍肥。腍音突羊曰柔毛，雞曰翰音。翰音且反犬曰羹獻。羹古衡反雉曰疏趾。疏音疎兔曰明視，脯曰尹祭，彘魚曰商祭。彘音考鮮魚曰脰祭。脰音鮮音仙水曰清滌。滌音直反酒曰清酌，黍曰薌合。薌音香梁曰薌苾。苾音基稷曰明粢。粢音咨稻曰嘉蔬，幣。○天子死曰崩，諸侯曰薨，大夫曰卒，士曰不祿。

祭之名曰淫祀，淫祀無福。○天子以犧牛，諸侯以肥牛，大夫以索牛，士以羊豕。○支子不祭，祭必告于宗子。○凡祭宗廟之禮，牛曰一元大武，豕曰剛鬣。力輒反豚曰腍肥。腍音突羊曰柔毛，雞曰翰音。翰音且反犬曰羹獻。羹古衡反雉曰疏趾。疏音疎兔曰明視，脯曰尹祭，彘魚曰商祭。彘音考鮮魚曰脰祭。脰音鮮音仙水曰清滌。滌音直反酒曰清酌，黍曰薌合。薌音香梁曰薌苾。苾音基稷曰明粢。粢音咨稻曰嘉蔬，幣。○天子死曰崩，諸侯曰薨，大夫曰卒，士曰不祿。

交定音別
豐已

庶人曰死在牀曰尸在棺曰柩羽鳥曰降戶江反四足

曰漬自音死寇曰兵○祭王父曰皇祖考王母曰皇

祖妣父曰皇考母曰皇妣夫曰皇辟婢亦反生曰父曰

母曰妻死曰考曰妣曰嬪壽考曰卒短折曰不祿

折市設反○天子視不上於袷上時掌反不下於帶國君綏視

綏音安大夫衡視士視五步凡視上於面則敖音傲下於

帶則憂傾則姦○君命大夫與士肄音異在官言官

在府言府在庫言庫在朝言朝音潮朝言不及犬馬

輟朝而顧輟竹劣反不有異事必有異慮故輟朝而顧君

子謂之固在朝言禮問禮對以禮○大饗不問卜

不饒富○凡摯音至與贊同天子鬯音亮諸侯圭卿羔大夫

鴈士雉庶人之摯匹音木童子委摯而退野外軍

中無摯以纓拾矢可也婦人之摯棋榛脯脩棗栗

棋音矩榛側巾反○納女於天子曰備百姓於國君曰備酒漿

於大夫曰備掃灑掃悉報反灑所買反

檀弓上第三

公儀仲子之喪檀弓免焉免音問仲子舍其孫而立其

子舍音捨檀弓曰何居音姬我未之前聞也趨而就子服

子服曰檀弓上

伯子於門右曰仲子舍其孫而立其子何也伯子
 曰仲子亦猶行古之道也昔者文王舍伯邑考而
 立武王微子舍其孫腓而立衍也腓徒本反 衍以善反夫仲子亦
 猶行古之道也夫音扶子游問諸孔子孔子曰否立孫
 ○事親有隱而無犯左右就養無方養以尚反服勤至死
 致喪三年事君有犯而無隱左右就養有方服勤
 至死方喪三年事師無犯無隱左右就養無方服
 勤至死心喪三年○季武子成寢杜氏之葬才浪反在
 西階之下請合葬焉許之入宮而不敢哭武子曰

合葬非古也自周公以來未之有改也吾許其大
 而不許其細何居命之哭○子上之母死而不喪
 門人問諸子思曰昔者子之先君子喪出母乎曰
 然子之不使白也喪之何也子思曰昔者吾先君
 子無所失道道隆則從而隆道污則從而污烏音伋
 則安能伋音急為伋也妻者是為白也母不為伋也妻
 者是不為白也母故孔氏之不喪出母自子思始
 也○孔子曰拜而后稽顙素黨反顙乎其順也顙徒回反稽顙
 而后拜頌乎其至也頌音懇三年之喪吾從其至者○

孔子既得合葬於防曰吾聞之古也墓而不墳今丘也東西南北之人也不可以弗識也識音志於是封之

崇四尺孔子先反門人後雨甚至孔子問焉曰爾來何遲也曰防墓崩孔子不應息暫反孔子泫然流

涕曰泫胡犬反涕音體吾聞之古不脩墓○孔子哭子路於中

庭有人弔者而夫子拜之既哭進使者而問故使色更反

使者曰醢之矣醢音海遂命覆醢覆芳反○曾子曰朋友之

墓有宿草而不哭焉○子思曰喪三日而殯凡附

於身者必誠必信勿之有悔焉耳矣三月而葬凡

附於棺者必誠必信勿之有悔焉耳矣喪三年以

為極亡則弗之忘矣故君子有終身之憂而無一

朝之患故忌日不樂○孔子少孤不知其墓殯於

五父之衢父音甫衢求于反人之見之者皆以為葬也其慎也

於防○鄰有喪春不相里有殯不巷歌○喪冠不

綏如道反○有虞氏瓦棺夏后氏壘周壘音稷殷人棺槨周

人牆置翬所甲反○周人以殷人之棺槨葬長殤長竹大反以

夏后氏之壘周葬中殤下殤以有虞氏之瓦棺葬

人牆置翬所甲反○周人以殷人之棺槨葬長殤長竹大反以

夏后氏之壘周葬中殤下殤以有虞氏之瓦棺葬

慎讀為引羊刃反

父音甫衢求于反

鄆音鄒曼音萬

泫胡犬反涕音體

醢音海

覆芳反

息暫反

使色更反

長竹大反

無服之殤。夏后氏尚黑，大事斂用昏，戎事乘驪。

力知反。牲用玄，殷人尚白，大事斂用日中，戎事乘翰。

牲用白，周人尚赤，大事斂用日出，戎事乘駟。

用駟。息營反。穆公之母卒，使人問於曾子曰：「如之何？」

對曰：「申也。」聞諸申之父曰：「哭泣之哀，齊斬之情。」

饋粥之食。自天子達，布幕，衛也。繆幕，魯也。

○晉獻公將殺其世子申生，公子重耳謂之曰：「子蓋言子之志於公乎？」

世子曰：「不可。君安驪姬是我傷公之心也。」曰：「然則蓋行乎？」世子曰：「不可。」

君謂我欲弑君也，天下豈有無父之國哉？吾何行如之？」

使人辭於狐突曰：「申生有罪，不念伯氏之言也，以至於死，申生不敢愛其死，雖然，吾君老矣，子少，國家多難，伯氏不出而圖吾君，伯氏苟出而圖吾君，申生受賜而死，再拜稽首，乃卒。是以為共世子也。」

○魯人有朝祥而莫歌者，子路笑之。夫子曰：「由爾責於人，終無已夫。」

三年之喪，亦已久矣。夫子路出，夫子曰：「又多乎哉？踰月則其善也。」

○魯莊公及宋人戰于乘丘，縣責父御。

乘繩反。縣責父音。

音奔父音。

音奔父音。

音奔父音。

音奔父音。

甫

卜國為右馬驚敗績公隊墜音佐車授綏公曰未

之下也縣賁父曰他日不敗績而今敗績是無勇

也遂死之圍人浴馬有流矢在白肉公曰非其罪

也遂誅之誅力軌反士之有誅自此始也○曾子寢疾病

樂正子春坐於牀下曾元曾申坐於足童子隅坐

而執燭童子曰華而睨呼板反大夫之簣與簣音責子春

曰止曾子聞之瞿然曰呼瞿音屨呼音吁曰華而睨大夫

之簣與曾子曰然斯季孫之賜也我未之能易也

元起易簣曾元曰夫子之病革矣革音亟不可以變

也動也幸而至於旦請敬易之曾子曰爾之愛我也不

如彼君子之愛人也以德細人之愛人也以姑息

吾何求哉吾得正而斃焉斃音弊斯已矣舉扶而易之

反席未安而沒歿音○始死充充如有窮既殯瞿瞿

如有求而弗得瞿音履既葬皇皇如有望而弗至練而

慨然慨音苦祥而廓然廓音郭○邾婁復之以矢婁音蓋自戰

於升陘始也陘音邢魯婦人之髮而弔也髮音莊自敗於臺

鮎始也鮎音孤○南宮縚之妻之姑之喪縚音夫子誨

之髮曰爾毋從從爾從音無爾毋扈扈爾扈音蓋榛以

交定音州

禮記

卷

為筭長尺而總八寸。仗○孟獻子禫大感而不樂。

縣音比御而不入。比音夫子曰獻子加於人一等矣。

孔子既祥五日彈琴而不成聲十日而成笙歌有

子蓋既祥而絲履組纓。履音句○死而不弔者三畏。

厭溺。厭音壓溺○子路有姊之喪可以除之矣而弗除。

也孔子曰何弗除也子路曰吾寡兄弟而弗忍也。

孔子曰先王制禮行道之人皆弗忍也子路聞之

遂除之。○大公封於營丘。天音比及五世比音皆反葬

於周。君子曰樂樂其所自生。樂上音尚禮不忘其本古

之人有言曰狐死正丘首。手又仁也。○伯魚之母死

期而猶哭。期音夫子聞之曰誰與哭者。與音門人曰鯉

也。夫子曰嘻。希音其甚也。伯魚聞之遂除之。○舜葬

於蒼梧之野蓋三妃未之從也。季武子曰周公蓋

祔。父音○曾子之喪浴於爨室。爨七○大功廢業或曰

大功誦可也。○子張病召申祥而語之曰。語音君子

曰終。小人曰死。吾今日其庶幾乎。○曾子曰始死

之奠其餘閣也。餘音○曾子曰小功不為位也者

是委巷之禮也。子思之哭嫂也為位。婦人倡踊。倡音

勇 誦音 申祥之哭言思也亦然。○古者冠縮縫縮直也今也

衡縫衡橫也故喪冠之反吉非古也。○曾子謂子思曰

伋吾執親之喪也水漿不入於口者七日樂子良反子思

曰先王之制禮也過之者俯而就之不至焉者跂

而及之政音棄故君子之執親之喪也水漿不入於口

者三日杖而后能起。○曾子曰小功不稅他外反則是

遠兄弟終無服也而可乎。○伯高之喪孔子之使

者未至使色吏反冉子攝束帛乘馬而將之攝負也乘繩證反孔子曰

異哉徒使我不誠於伯高徒空也。○伯高死於衛赴於

孔子趙與一計同孔子曰吾惡乎哭諸惡音烏兄弟吾哭諸廟父

之友吾哭諸廟門之外師吾哭諸寢朋友吾哭諸

寢門之外所知吾哭諸野於野則已疏已太也於寢則

已重夫由賜也見我吾哭諸賜氏遂命子貢為之

主曰為爾哭也來者為子偽反拜之知伯高而來者勿拜

也。○曾子曰喪有疾食肉飲酒必有草木之滋焉

以為薑桂之謂也薑居良反。○子夏喪其子而喪其明

哭子夏亦哭曰天乎予之無罪也會子怒曰商女

喪息浪反

何無罪也汝女音吾與女事夫子於洙泗之間洙音殊泗音四退

而老於西河之上使西河之民疑女於夫子爾罪

一也喪爾親使民未有聞焉爾罪二也喪爾子喪

爾明爾罪三也而曰爾何無罪與子夏投其杖而

拜曰吾過矣吾過矣吾離群而索居離音罍索音各反亦已久

矣○夫晝居於內問其疾可也夜居於外弔之可

也是故君子非有大故不宿於外非致齊也齊音齋非

疾也不晝夜居於內○高子臯之執親之喪也泣

血三年未嘗見齒見音現君子以為難○衰七雷反與其不

當物也當丁浪反寧無衰齊衰不以邊坐大功不以服勤

○孔子之衛遇舊館人之喪入而哭之哀出使子

貢說驂而賻之說音脫驂音參子貢曰於門人之喪未有所說

驂說驂於舊館無乃已重乎夫子曰予鄉者入而

哭之鄉許亮反遇於一哀而出涕體音予惡夫涕之無從也

惡高路反從自也小子行之○孔子在衛有送葬者而夫子觀

之曰善哉為喪乎足以為法矣小子識之識音志子貢

曰夫子何善爾也曰其往也如慕其反也如疑子

貢曰豈若速反而虞乎子曰小子識之我未之能

卷之四

行也。○顏淵之喪饋祥肉孔子出受之入彈琴而
后食之。○孔子與門人立拱而尚右二三子亦皆
尚右孔子曰二三子之嗜學也我則有姊之喪故
也二三子皆尚左。○孔子蚤作蚤音早負手曳杖消
搖於門歌曰泰山其頽乎梁木其壞乎哲人其萎
乎。也既歌而入當戶而坐子貢聞之曰泰山其頽
則吾將安仰梁木其壞哲人其萎則吾將安放。方兩
夫子殆將病也遂趨而入夫子曰賜爾來何遲也
夏后氏殯於東階之上則猶在阼也。阼才殷人殯於

兩楹之間

楹音盈

則與賓主夾之也周人殯於西階之上

則猶賓之也而丘也般人也予疇昔之夜

疇直留反發語之辭昔之夜猶言昨夜也夢

坐奠於兩楹之間夫明王不興而天下其孰能宗

予予殆將死也蓋寢疾七日而沒。○孔子之喪門

人疑所服子貢曰昔者夫子之喪顏淵若喪子而

無服喪子路亦然請喪夫子若喪父而無服。○孔

子之喪公西赤為志焉飾棺牆置翣設披披義周也

設宗殷也綢練設施綢音叨夏也。○子張之喪公明

儀為志焉褚幕丹質褚張呂反蟻結於四隅蟻魚殷士也

○子夏問於孔子曰居父母之仇如之何夫子曰

寢苦枕干苦詩占反不仕弗與共天下也遇諸市朝直遙反

不反兵而鬪曰請問居昆弟之仇如之何曰仕弗

與共國銜君命而使色吏反雖遇之不鬪曰請問居從

父昆弟之仇從才用反如之何曰不為魁苦回反主人能則執

兵而陪其後陪步回反○孔子之喪二三子皆經而出經大結反

羣居則經出則否○易墓易音異非古也○子路曰吾

聞諸夫子喪禮與其哀不足而禮有餘也不若禮

不足而哀有餘也祭禮與其敬不足而禮有餘也

不若禮不足而敬有餘也○曾子弔於負夏主人

既祖填池填音莫池音徹推柩而反之推吐回反降婦人而后行禮

從者曰禮與曾子曰夫祖者且也且胡為其不可

以反宿也從者又問諸子游曰禮與子游曰飯於

牖下飯煩晚反牖羊久反小斂於戶內斂力驗反大斂於阼殯於客位祖

於庭葬於墓所以即遠也故喪事有進而無退曾

子聞之曰多矣乎予出祖者多猶勝也○曾子襲裘而弔

子游裼裘而弔裼星歷反曾子指子游而示人曰夫夫也

為習於禮者如之何其裼裘而弔也主人既小斂

袒括髮

袒徒旱反括古活反

子游趨而出襲裘帶經而入曾子曰

我過矣我過矣夫夫是也○子夏既除喪而見

現音

予之琴

予羊反

和之而不和

胡臥反

彈之而不成聲作而曰

哀未忘也先王制禮而弗敢過也子張既除喪而

見予之琴和之而和彈之而成聲作而曰先王制

禮不敢不至焉○司寇惠子之喪子游為之麻衰

牡麻經文子辭曰子辱與彌牟之弟游又辱為之

服敢辭子游曰禮也文子退反哭子游趨而就諸

臣之位文子又辭曰子辱與彌牟之弟游又辱為

之服又辱臨其喪敢辭子游曰固以請文子退扶

適子南面而立的適音曰子辱與彌牟之弟游又辱為

之服又辱臨其喪虎也敢不復位子游趨而就客

位○將軍文子之喪既除喪而后越人來弔主人

深衣練冠待于廟垂涕洟

洟他計反洟音夷

子游觀之曰將軍

文氏之子其庶幾乎亡於禮者之禮也亡與無通其動

也中

竹仲反

○幼名冠字

冠古亂反

五十以伯仲死諡周道也

○經也者實也

○掘中雷而浴

雷力救反

毀竈以綴足

綴音拙

及葬毀宗躐行出于大門殷道也學者行之○子

柳之母死子碩請具碩音石子柳曰何以哉子碩曰請

粥庶弟之母粥音育子柳曰如之何其粥人之母以葬

其母也不可既葬子碩欲以賻布之餘具祭器子

柳曰不可吾聞之也君子不家於喪請班諸兄弟

之貧者班猶分也君子曰謀人之軍師敗則死之謀人

之邦邑危則亡之○公叔文子升於瑕丘蘧伯玉

從蘧其魚反文子曰樂哉斯丘也死則我欲葬焉蘧伯玉

曰吾子樂之則瑗請前瑗手願反○弁人有其母死而孺

子泣者弁皮彥反孔子曰哀則哀矣而難為繼也夫禮為

可傳也為可繼也故哭踊有節○叔孫武叔之母

死既小斂舉者出尸出戶袒且投其冠括髮子游

曰知禮○扶君小人師扶右讀僕射人師扶左君薨

以是舉○從母之夫舅之妻二夫人相為服夫音扶君

子未之言也或曰同爨總爨七亂反喪事欲其縱縱

爾縱音總吉事欲其折折爾折音提故喪事雖遠不陵節遠其據反

吉事雖止不怠故騷騷爾則野騷素刀反鼎鼎爾則小人

君子蓋猶爾○喪具君子耻具一日二日而可

為也者君子弗為也○喪服兄弟之子猶子也蓋

引而進之也。嫂叔之無服也。蓋推而遠之也。遠于姑
姊妹之薄也。蓋有受我而厚之者也。○食於有喪者之側未嘗飽也。○曾子與客立於門側其徒趨而出曾子曰爾將何之曰吾父死將出哭於巷曰反哭於爾次曾子北面而弔焉。○孔子曰之死而致死之上之往也不仁而不可為也。之死而致生之不知而不可為也。知音是故竹不成用瓦不成味音木不成斷陟角反琴瑟張而不平竽笙備而不和音音于和胡臥反有鐘磬而無龔虞龔音荀虞音巨其曰明器神明之也。○有子問

於曾子曰問喪於夫子乎。問音問喪息浪反曰聞之矣喪欲速貧死欲速朽有子曰是非君子之言也會子曰參也聞諸夫子也有子曰曰是非君子之言也會子曰參也與子游聞之有子曰然然則夫子有為言也。○曾子以斯言告於子游子游曰甚哉有子之言似夫子也昔者夫子居於宋見桓司馬自為石椁三年而不成夫子曰若是其靡也死不如速朽之愈也死之欲速朽為桓司馬言之也南宮敬叔反必載寶而朝夫子曰若是其貨也喪不如速貧

之愈也喪之欲速貧為敬叔言之也會子以子游之言告於有子有子曰然吾固曰非夫子之言也會子曰子何以知之有子曰夫子制於中都四寸之棺五寸之槨以斯知不欲速朽也昔者夫子失魯司寇將之荆蓋先之以子夏又申之以冉有以斯知不欲速貧也○陳莊子死赴於魯魯人欲勿哭繆公召縣子而問焉繆音穆 縣音玄縣子曰古之大夫束脩之問不出竟境音雖欲哭之安得而哭之今之大夫交政於中國雖欲勿哭焉得而弗哭焉於度反且臣聞

之哭有二道有愛而哭之有畏而哭之公曰然則如之何而可縣子曰請哭諸異姓之廟於是與哭諸縣氏○仲憲言於曾子曰夏后氏用明器示民無知也殷人用祭器示民有知也周人兼用之示民疑也會子曰其不然乎其不然乎夫明器鬼器也祭器人器也夫古之人胡為而死其親乎○公叔木有同母異父之昆弟死宋式 樹反問於子游子游曰其大功乎狄儀有同母異父之昆弟死問於子夏子夏曰我未之前聞也魯人則為之齊衰狄儀行

齊衰今之齊衰狄儀之問也。○子思之母死於衛。柳若謂子思曰：子聖人之後也，四方於子乎觀禮。子蓋慎諸？蓋音子思曰：吾何慎哉？吾聞之有其禮無其財，君子弗行也；有其禮有其財，無其時，君子弗行也。吾何慎哉？○縣子瑱曰：瑱息果反吾聞之古者不降上下，各以其親。滕伯文為孟虎齊衰，其叔父也，為孟皮齊衰，其叔父也。○后木曰：喪，吾聞諸縣子曰：夫喪不可不深長思也。買棺外內易，一也我死則亦然。○曾子曰：尸未設飾，故帷堂，小斂而徹帷。仲梁

子曰：夫婦方亂，故帷堂，小斂而徹帷。○小斂之奠，子游曰：於東方。曾子曰：於西方。斂斯席矣。小斂之奠在西方，魯禮之末失也。○縣子曰：浴衰，縛裳，總去非古也。○子蒲卒，哭者呼滅。子皋曰：若是野哉，哭者改之。○杜橋之母之喪，宮中無相，息亮反以為沽也。沽音古，鹿略也○夫子曰：始死，羔裘玄冠者，易之而已。羔裘玄冠，夫子不以弔。○子游問喪具，夫子曰：稱家之有亡。稱尺證反，亡如字，一音無子游曰：有亡惡乎齊？惡音烏齊，才細反夫子曰：有毋過禮，苟亡矣，斂首足形，還葬。還音縣棺而封。縣音

人豈有非之者哉。○司士賁告於子游曰賁音奔請

襲於牀。子游曰諾。縣子聞之曰汰哉叔氏汰音泰專以

禮許人。○宋襄公葬其夫人醯醢百甕醯呼兮反醢音海甕鳥弄反曾

子曰既曰明器矣而又實之。○孟獻子之喪司徒

旅歸四布。夫子曰可也。○讀贈曾子曰非古也是

再告也。○成子高寢疾慶遺人請曰遺于季反子之病革

矣寧音亟如至乎大病則如之何。子高曰吾聞之也

生有益於人死不害於人吾縱生無益於人吾可

以死害於人乎哉。我死則擇不食之地而葬我焉。

子夏問諸夫子曰居君之母與妻之喪喪下當有如之何夫子曰字居

處言語飲食術爾術苦且反。○賓客至無所館夫子曰生

於我乎館死於我乎殯。○國子高曰葬也者藏也

藏也者欲人之弗得見也。是故衣足以飾身棺周於

衣槨周於棺土周於槨反壤樹之哉。○孔子之喪有

自燕來觀者燕鳥田反舍於子夏氏。子夏曰聖人之葬人

與人之葬聖人也。子何觀焉。昔者夫子言之曰吾

見封之若堂者矣。見若坊者矣坊音方。見若覆夏屋者

矣覆方救反。見若斧者矣。從若斧者焉。馬鬣封之謂也鬣力輒反。

校定音訓 禮記 卷之四

今日而三斬板而已封尚行夫子之志乎哉尚庶幾也

○婦人不葛帶○有薦新如朔奠○既葬各以其

服除○池視重霽○君即位而為裨僻音歲一漆之

藏焉○復楔齒楔音綴足綴音飯設飾帷堂竝作○父

兄命赴者○君復於小寢大寢小祖大祖庫門四

郊○喪不剝奠也與剝邦角反祭肉也與○既殯旬而布

材與明器朝奠日出夕奠逮日○父母之喪哭無

時使必知其反也○練練衣黃裏縗緣緣元絹反葛要

經要一繩履無絢其俱角瑱吐練鹿裘衡長祛衡音橫祛起魚反祛裼

之可也○有殯聞遠兄弟之喪雖總必往非兄弟

雖鄰不往○所識其兄弟不同居者皆弔○天子

之棺四重水兕革棺被之兕音其厚三寸地棺一地音

梓棺二梓音四者皆周棺束縮二衡三衡音衽每束一

柏椁以端長六尺○天子之哭諸侯也爵弁經紒

衣紒音或曰使有司哭之為之不以樂食○天子之

殯也敢塗敢才龍輅音以椁加斧于椁上畢塗屋畢盡也

天子之禮也○唯天子之喪有別姓而哭別彼○魯

哀公誅孔丘曰誅力天不遺耆老耆巨莫相予位焉相息

禮記卷之三十五

嗚呼哀哉尼父甫音○國亡大縣邑公卿大夫士皆

厭冠厭于葉反哭於大廟天音三日君不舉或曰君舉而哭

於后土○孔子惡野哭者惡烏路反○未仕者不敢稅人

稅始銳反以物遺人也如稅人則以父兄之命○士備入而后朝

夕踊○祥而縞古老反是月禫大感反徙月樂○君於士有

賜幣亦音

檀弓下第四

君之適長殤適丁歷反長竹丈反車三乘繩證反公之庶長殤車一乘

大夫之適長殤車一乘○公之喪諸達官之長杖

○君於大夫將葬弔於宮及出命引之三步則止

如是者三君退朝亦如之朝音哀次亦如之○五十

無車者不越疆而弔人疆居良反○季武子寢疾矯固不

說齊衰而入見矯音橋說音悅曰斯道也將亡矣士唯公門

說齊衰武子曰不亦善乎君子表微及其喪也會

點倚其門而歌○大夫弔當事而至則辭焉弔於

人是日不樂婦人不越疆而弔人行弔之日不飲

酒食肉焉○弔於葬者必執引亂音若從柩及壙皆

執紼紼音曠紼音弗○喪公弔之必有拜者雖朋友州里舍

人可也。弔曰：寡君承事主人曰臨。○君遇柩於路，必使人弔之。○大夫之喪，庶子不受弔。○妻之昆弟為父後者死，哭之適室。子為主袒，免哭踊。免音問夫入門右，使人立於門外，告來者狎，則入哭。父在哭於妻之室，非為父後者哭，諸異室。○有殯聞遠兄弟之喪，哭于側室，無側室哭於門內之右。同國則往哭之。○子張死，曾子有母之喪，齊衰而往哭之。或曰：齊衰不以弔。曾子曰：我弔也，與哉。○有若之喪，悼公弔焉。悼音道子游擯由左。擯必忍反○齊穀王姬之喪

穀讀為告魯莊公為之大功。或曰：由魯嫁，故為之服。姊妹之服。或曰：外祖母也，故為之服。○晉獻公之喪，秦穆公使人弔公子重耳。重直龍反且曰：寡人聞之，亡國恆於斯，得國恆於斯。雖吾子，儼然在憂服之中。儼音喪喪亦不可久也。喪息浪反時亦不可失也。孺子其圖之。以告舅犯，舅犯曰：孺子其辭焉。喪人無寶，仁親以為寶。父死之謂何？又因以為利，而天下其孰能說之？孺子其辭焉。公子重耳對客曰：君惠弔亡臣重耳，身喪父死，不得與於哭泣之哀。與音預以為君憂父死之

謂何或敢有他志以辱君義稽顙而不拜顙桑哭而

起起而不私顯讀為輟子顯以致命於穆公呼遍反穆公曰仁

夫公子重耳扶天音夫稽顙而不拜則未為後也故不

成拜哭而起則愛父也起而不私則遠利也遠子萬反

惟殯非古也自敬姜之哭穆伯始也喪禮哀戚

之至也節哀順變也君子念始之者也復盡愛之

道也有禱祠之心焉禱丁老反望反諸幽求諸鬼神之道

也北面求諸幽之義也拜稽顙哀戚之至隱也隱痛

稽顙隱之甚也飯用米貝飯扶晚反弗忍虛也不以食道

用美焉爾銘音名明旌也旌音精以死者為不可別已別彼列反

故以其旌識之識式志反愛之斯錄之矣敬之斯盡其道

焉耳重直龍反主道也殷主綴重焉綴音拙周主重徹焉奠

以素器以生者有哀素之心也唯祭祀之禮主人

自盡焉爾豈知神之所饗亦以主人有齊敬之心

也齊音齋辟踊辟婢亦反踊音勇哀之至也有筭為之節又也袒括

髮變也慍哀之變也去飾去美也袒括髮去飾之

甚也有所袒有所襲哀之節也弁經葛而葬與神

交之道也有敬心焉周人弁而葬殷人冔而葬冔火羽反

○歆昌悅反主人主婦室老為其病也君命食之也食音

反哭升堂反諸其所作也主婦入于室反諸其所

養也養羊尚反○反哭之弔也哀之至也反而亡焉失之矣

於是為甚殷既封而弔封音周反哭而弔孔子曰殷

已慤慤音吾從周○葬於北方北首手反三代之達禮

也之幽之故也既封主人贈而祝宿虞尸尸音既

反哭主人與有司視虞牲有司以几筵舍奠於墓

左舍讀為釋音釋反日中而虞葬日虞弗忍一日離也離力智反是

日也以虞易奠卒哭曰成事是日也以吉祭易喪

祭明日祔于祖父其變而之吉祭也之往也比至於祔

必於是日也接不忍一日未有所歸也殷練而

祔周卒哭而祔孔子善殷○君臨臣喪以巫祝桃

茹執戈茹音惡之也惡烏路反所以異於生也喪有死之道

焉先王之所難言也難乃且反○喪之朝也順死者之孝

心也其哀離其室也故至於祖考之廟而后行殷

朝而殯於祖周朝而遂葬○孔子謂為明器者知

喪道矣備物而不可用也哀哉死者而用生者之

器也不殆於用殉乎哉殆幾也殉辭俊反

其曰明器神明之也

塗車芻靈芻初自古有之明器之道也孔子謂為芻

靈者善謂為備者不仁備音不殆於用人乎哉○穆

公問於子思曰為舊君反服古與子思曰古之君

子進人以禮退人以禮故有舊君反服之禮也今

之君子進人若將加諸膝膝音退人若將隊諸淵隊音

毋為戎首毋音不亦善乎又何反服之禮之有○悼

公之喪季昭子問於孟敬子曰為君何食敬子曰

食粥天下之達禮也吾三臣者之不能居公室也

四方莫不聞矣勉而為瘠則吾能毋乃使人疑夫

不以情居瘠者乎哉我則食食上食如字○衛司徒敬

子死子夏弔焉主人未小斂經而往子游弔焉主

人既小斂子游出經反哭子夏曰聞之也與曰聞

諸夫子主人未改服則不經○曾子曰晏子可謂

知禮也已恭敬之有焉有若曰晏子一狐裘三十

年遣車一乘遣弁及墓而反國君七介古賀遣車七乘

大夫五介遣車五乘晏子焉知禮焉於曾子曰國無

道君子耻盈禮焉國奢則示之以儉國儉則示之

以禮○國昭子之母死問於子張曰葬及墓男子

校定音列

婦人安位子張曰司徒敬子之喪夫子相息意男子

西鄉許亮反婦人東鄉曰噫母曰我喪也斯沾斯音賜盡也沾讀為規

爾專之賓為賓焉主為主焉婦人從男子皆西鄉

穆伯之喪敬姜晝哭文伯之喪晝夜哭孔子曰

知禮矣文伯之喪敬姜據其牀而不哭曰昔者

吾有斯子也吾以將為賢人也吾未嘗以就公室

今及其死也朋友諸臣未有出涕者涕耻禮反而內人皆

行哭失聲斯子也必多曠於禮矣夫季康子之

母死陳褻衣敬姜曰婦人不飾不敢見舅姑將有

四方之賓來褻衣何為陳於斯命徹之有子與

子游立見孺子慕者有子謂子游曰予壹不知夫

喪之踊也壹者專一之義猶常也予欲去之久矣情在於斯其是

也夫子游曰禮有微情者有以故興物者有直情

而徑行者戎狄之道也禮道則不然人喜則斯陶

陶斯咏徒力反咏斯猶音猶斯舞舞斯慍慍斯戚戚

斯歎歎斯辟婢亦反辟斯踊矣品節斯斯之謂禮人死

斯惡之矣無能也斯倍之矣是故制絞衾絞音又衾音欽設

萋翬萋音柳翬所甲反為使人勿惡也始死脯醢之奠將行遣

而行之既葬而食之未有見其饗之者也自上世
以來未之有舍也為使人勿倍也故子之所刺於
禮者刺音次亦非禮之訾也訾音疵○吳侵陳斬祀殺厲師
還出竟還音旋竟音境陳大宰嚭使於師大音泰嚭音彼反使色吏反夫差謂行
人儀曰扶夫音是夫也多言盍嘗問焉盍何不也嘗試也師必有名
人之稱斯師也者則謂之何大宰嚭曰古之侵伐
者不斬祀不殺厲不獲二毛今斯師也殺厲與其
不謂之殺厲之師與曰及爾地歸爾子則謂之何
曰君王討敝邑之罪又矜而赦之師與有無名乎

○顏丁善居喪始死皇皇焉如有求而弗得及殯
望望焉如有從而弗及既葬慨焉如不及其反而
息○子張問曰書云高宗三年不言言乃讙喜悅也有
諸仲尼曰胡為其不然也古者天子崩王世子聽
於冢宰三年○知悼子卒知音智未葬平公飲酒師曠
李調侍鼓鐘杜蕢自外來蕢音快聞鐘聲曰安在曰在
寢杜蕢入寢歷階而升酌曰曠飲斯飲於又酌曰調
飲斯又酌堂上北面坐飲之降趨而出平公呼而
進之曰蕢曩者爾心或開予是以不與爾言爾飲

曠何也。曰：子卯不樂，知悼子在堂，斯其為子卯也。大矣。曠也，大師也，不以詔也。是以飲之也。爾飲，調何也。曰：調也。君之褻臣也，為一飲一食，忘君之疾，是以飲之也。爾飲，何也。曰：蕢也。宰夫也，非刀匕，是共也。必季反 共音供又敢與知防，是以飲之也。平公曰：寡人亦有過焉，酌而飲，寡人杜蕢洗而揚解。音公謂侍者曰：如我死，則必毋廢斯爵也。至于今，既畢獻，斯揚解，謂之杜舉。○公叔文子卒，其子戍請諡於君。戍式 樹反曰：日月有時，將葬矣，請所以易其名者。君曰：昔

者，衛國凶饑，夫子為粥，與國之餓者。祝音是不亦惠乎。昔者，衛國有難，夫子以其死，衛寡人不亦貞乎。夫子聽衛國之政，脩其班制，以與四鄰交，衛國之社稷不辱，不亦文乎。故謂夫子貞惠文子。○石駘仲卒。駘音無適子，有庶子六人，卜所以為後者，曰：沐浴佩玉，則兆。五人者，皆沐浴佩玉，石祁子曰：孰有執親之喪而沐浴佩玉者乎。不沐浴佩玉，石祁子兆，衛人以龜為有知也。○陳子車死於衛，其妻與其家大夫謀以殉葬，定而后陳子亢至。亢音以告曰：

禮記 卷之三十一 檀弓 第十一

夫子疾莫養於下。請以殉葬。子亢曰：以殉葬，非禮也。雖然，則彼疾當養者，孰若妻與宰？得已則吾欲已，不得已則吾欲以二子者，之為之也。於是弗果用。○子路曰：傷哉貧也！生無以為養，死無以為禮也。孔子曰：啜菽飲水，盡其歡，斯之謂孝；斂首足形，還葬而無槨，還音旋疾也稱其財，稱尺證反斯之謂禮。○衛獻公出奔，反於衛，及郊，將班邑於從者，而后入。從才用反柳莊曰：如皆守社稷，則孰執，執羈勒而從。羈音基勒音的如皆從，則孰守社稷？君反其國而有私也，毋乃不可乎？弗果

班。○衛有大史曰柳莊，寢疾。公曰：若疾革，亟音雖當祭，必告公，再拜稽首，請於尸。尸曰：有臣柳莊也者，非寡人之臣，社稷之臣也。聞之死，請往，不釋服而往，遂以禭之。禭音遂與之邑。裘氏與縣潘氏，縣音書而納諸棺。曰：世世萬子孫，毋變也。○陳乾昔寢疾，千音屬其兄弟，屬音燭而命其子尊己曰：如我死，則必大為我棺，使吾二婢子夾我。陳乾昔死，其子曰：以殉葬，非禮也。况又同棺乎？弗果殺。○仲遂卒于垂，壬午猶繹也。亦音萬入去籥，羊勺反仲尼曰：非禮也。卿卒不繹。○季康

亦音
仲尼曰
非禮也
卿卒不繹
季康

子之母死公輸若方小斂般請以機封般音班將從

之公肩假曰不可夫魯有初公室視豐碑三家視

桓楹般爾以人之母嘗巧嘗試也則豈不得以其母以

嘗巧者乎則病者乎噫弗果從○戰于郎公叔禺

人遇負杖入保者息馬音曰使之雖病也任之雖重

也君子不能為謀也士弗能死也不可我則既言

矣與其鄰重汪錡往重音童汪皆死焉魯人欲勿殤重

汪錡問於仲尼仲尼曰能執干戈以衛社稷雖欲

勿殤也不亦可乎○子路去魯謂顏淵曰何以贈

我曰吾聞之也去國則哭于墓而后行反其國不

哭展墓而入展省也謂子路曰何以處我子路曰吾聞

之也過墓則式過祀則下○工尹商陽與陳弃疾

追吳師及之陳弃疾謂工尹商陽曰王事也子手

弓而可手弓子射諸射音石射之斃一人韞弓韞音暢又

及謂之又斃二人每斃一人揜其目止其御曰朝

不坐燕不與殺三人亦足以反命矣孔子曰殺人

之中又有禮焉○諸侯伐秦曹桓公卒于會桓音諸諸

侯請含胡音使之襲○襄公朝于荆康王卒荆人曰

禮記一

必請襲魯人曰非禮也荆人強之強其巫先拂柩荆

人悔之○滕成公之喪使子叔敬叔弔進書子服

惠伯為介音界副也及郊為懿伯之忌不入惠伯曰政也

不可以叔父之私不將公事遂入○哀公使人弔

賈尚賈苦怪反遇諸道辟於路辟讀為關畫宮而受弔焉畫音獲曾子

曰賈尚不如杞梁之妻之知禮也齊莊公襲莒于

奪讀為兌徒外反杞梁死焉其妻迎其柩於路而哭之哀莊

公使人弔之對曰君之臣不免於罪則將肆諸市

朝而妻妾執君之臣免於罪則有先人之敝廬在

君無所辱命○孺子贛之喪贛他昆反哀公欲設撥半末反問

於有若有若曰其可也君之三臣猶設之顏柳曰

天子龍輻而惇憫輻音春憫音道諸侯輻而設憫為榆沈榆音于沈

故設撥二臣者廢輻而設撥竊禮之不中者也

中竹仲反而君何學焉○悼公之母死哀公為之齊衰有

若曰為妾齊衰禮與公曰吾得已乎哉魯人以妻

我○季子皋葬其妻犯人之禾申祥以告曰請庚

之庚古衡反償也子皋曰孟氏不以是罪予朋友不以是棄

予以五為邑長於斯也長竹丈反買道而葬後難繼也○

仕而未有祿者。君有饋焉曰獻，使焉曰寡。君使色違吏反

而君薨也，弗為服也。○虞而立尸，有几筵，卒哭而

諱，生事畢而鬼事始已。辭語既卒哭，宰夫執木鐸以

命于宮曰：舍故而諱新。捨音自寢門至於庫門。○二

名不偏諱，夫子之母名徵，在言在不稱，徵言徵不

稱在。○軍有憂則素服，哭于庫門之外，赴車不載

擗，韋擗音羔韋韋勅亮反。○有焚其先人之室，則三日哭。故曰

新宮火亦三日哭。○孔子過泰山側，有婦人哭於

墓者而哀，夫子式而聽之，使子路問之，曰：子之哭

也，壹似重有憂者。重直龍反而曰：然也。昔者吾舅死於虎

吾夫又死焉，今吾子又死焉，夫子曰：何為不去也？

曰：無苛政。苛音夫子曰：小子識之。識音苛政猛於虎也。

○魯人有周豐也者，哀公執摯請見之。摯音而曰：不

可。公曰：我其已夫。已止也天音扶使人問焉，曰：有虞氏未施

信於民而民信之，夏后氏未施敬於民而民敬之，

何施而得斯於民也？對曰：墟墓之間未施哀於民

而民哀，社稷宗廟之中未施敬於民而民敬，殷人

作誓而民始畔，周人作會而民始疑，苟無禮義忠

信誠慤之心以泣之。雖固結之民其不解乎。解佳

喪不慮居毀不危身喪不慮居為無廟也毀不危

身為無後也。○延陵季子適齊於其反也其長子

死葬於贏博之閒。贏音盈孔子曰延陵季子吳之習於

禮者也往而觀其葬焉其坎深不至於泉。深式鳩反其斂

以時服既葬而封。如字築土為墳也廣輪揜坎。廣古曠反其高可隱也。

既封左袒右還其封。還與環同且號者三。號戶高反曰骨肉

歸復于土命也。若魂氣則無不之也無不之也而

遂行也。孔子曰延陵季子之於禮也其合矣乎。○

邾婁考公之喪。婁方俱反徐君使容居來弔含。和關反曰寡君

使容居坐含進侯玉其使容居以含有司曰諸侯

之來辱敝邑者易則易于則于。易音異于猶迂也易于雜者未

之有也容居對曰容居聞之事君不敢忘其君亦

不敢遺其祖昔我先君駒王西討濟於河無所不

用斯言也容居魯人也不敢忘其祖。○子思之母

死於衛赴於子思子思哭於廟門人至曰庶氏之

母死何為哭孔氏之廟乎子思曰吾過矣吾過矣

遂哭於他室。○天子崩三日祝先服五日官長服

七日國中男女服三月天下服○虞人致百祀之

木可以為棺槨者斬之不至者廢其祀勿其人勿武粉反

○齊大饑黔敖為食於路黔其廉反以待餓者而食之食音嗣

有餓者蒙袂輯履袂彌世反輯音集斂也賀賀然來賀音茂黔敖左奉

食奉芳勇反右執飲曰嗟來食揚其目而視之曰予唯不

食嗟來之食以至於斯也從而謝焉從就也終不食而

死曾子聞之曰微與其嗟也可去其謝也可食○

邾婁定公之時有弑其父者有司以告公瞿然失

席曰瞿音履是寡人之罪也曰寡人嘗學斷斯獄矣斷丁亂反

臣弑君凡在官者殺無赦子弑父凡在官者殺無

赦殺其人壞其室壞音怪洿其宮而豬焉洿音洿豬音洿水聚之名蓋君

踰月而后舉爵○晉獻文子成室晉大夫發焉張

老曰美哉輪焉美哉奐焉奐音喚歌於斯哭於斯聚國

族於斯文子曰武也得歌於斯哭於斯聚國族於

斯是全要領以從先大夫於九京也要一遙反京音原北面再

拜稽首君子謂之善頌善禱丁老反○仲尼之畜狗死

畜許六反使子貢埋之曰吾聞之也敝帷不棄為埋馬也

敝蓋不棄為埋狗也丘也貧無蓋於其封也封音定亦

予之席母使其首陷焉路馬死埋之以帷○李孫

之母死哀公弔焉曾子與子貢弔焉閻人為君在

弗內也閻音昏內音納曾子與子貢入於其廋而脩容焉廋又反

子貢先入閻人曰鄉者已告矣鄉許亮反曾子後入閻人

辟之辟音避涉內雷雷又反卿大夫皆辟位公降一等而揖

之君子言之曰盡飾之道斯其行者遠矣○陽門

之介夫死司城子罕入而哭之哀晉人之覩宋者

反報於晉侯曰陽門之介夫死而子罕哭之

哀而民說說音悅殆不可伐也孔子聞之曰善哉覩國

乎詩云凡民有喪扶服救之扶服音匍匐雖微晉而已微無也

天下其孰能當之當丁郎反○魯莊公之喪既葬而經不

入庫門士大夫既卒哭麻不入○孔子之故人曰

原壤其母死夫子助之沐椁沐治也原壤登木曰久矣

予之不託於音也歌曰狸首之斑然執女手之卷

然卷音拳夫子為弗聞也者而過之從者曰從才用反子未可

以已乎夫子曰丘聞之親者毋失其為親也故者

毋失其為故也○趙文子與叔譽觀乎九原文子

曰死者如可作也吾誰與歸叔譽曰其陽處父乎

文定音別 禮記 卷之四

甫父音文子曰行并植於晉國并必正反不沒其身植直吏反其知不

足稱也其舅犯乎文子曰見利不顧其君其仁不

足稱也我則隨武子乎利其君不忘其身謀其身

不遺其友晉人謂文子知人文子其中退然如不

勝衣中身也其言呐呐然如不出諸其口呐奴所舉於

晉國管庫之士七十有餘家生不交利死不屬其

子焉屬音叔仲皮學子柳學音效叔仲皮死其妻魯

人也衣衰而繆經衣音咨衰七叔仲衍以告請總衰而

環經總音曰昔者吾喪姑姊妹亦如斯末吾禁也退

使其妻總衰而環經成人有其兄死而不為衰

者聞子皋將為成宰遂為衰成人曰蠶則績而蟹

有匡范則冠而蟬有綏范蜂也綏兄則死而子皋為之

衰樂正子春之母死五日而不食曰吾悔之自

吾母而不得吾情吾惡乎用吾情惡音歲旱穆公

召縣子而問然縣音玄然鄭氏曰天久不雨于付吾欲暴

而奚若暴步ト反曰天則不雨而暴人之疾子虐母乃

不可與然則吾欲暴巫而奚若曰天則不雨而望

之愚婦人於以求之母乃已疏乎徙市則奚若徙移也

校定音訓 禮記

曰天子崩巷市七日諸侯薨巷市三日爲之徙市
不亦可乎○孔子曰衛人之祔也離之魯人之祔
也合之善夫

王制第五

王者之制祿爵公侯伯子男凡五等諸侯之上大
夫卿下大夫上士中士下士凡五等天子之田方
千里公侯田方百里伯七十里子男五十里不能
五十里者不能猶不足也不合於天子附於諸侯曰附庸天子之
三公之田視公侯天子之卿視伯天子之大夫視

子男天子之元士視附庸制農田百畝百畝之分

扶問上農夫食九人食音其次食八人其次食七人其

次食六人下農夫食五人庶人在官者其祿以是

爲差也差楚宜反諸侯之下士視上農夫祿足以代其耕

也中士倍下士上士倍中士下大夫倍上士卿四

大夫祿君十卿祿次國之卿三大夫祿君十卿祿

小國之卿倍大夫祿君十卿祿次國之上卿位

當大國之中中當其下下當其上大夫小國之上

卿位當大國之下卿中當其上大夫下當其下大

卿位當大國之下卿中當其上大夫下當其下大

夫其有中士下士者數各居其上之三分居猶當也凡四海之內九州州方千里州建百里之國三十七十里之國六十五十里之國百有二十凡二百一十國名山大澤不以封其餘以為附庸間田間音開八州州二百一十國天子之縣內方百里之國九七十里之國二十有一五十里之國六十有三凡九十三國名山大澤不以盼班音其餘以祿士以為間田凡九州千七百七十三國天子之元士諸侯之附庸不與預音○天子百里之內以共官共音千里之

內以為御○千里之外設方伯五國以為屬屬有長十國以為連連有帥色類反三十國以為卒子忽反卒有正二百一十國以為州州有伯八州八伯五十六正百六十八帥三百三十六長八伯各以其屬屬於天子之老二人分天下以為左右曰二伯○千里之內曰甸十里之外曰采蒼改反曰流○天子三公九卿二十七大夫八十一元士大國三卿皆命於天子下大夫五人上士二十七人次國三卿二卿命於天子一卿命於其君下大夫五人上士二十

禮記

卷之

五十二

七人小國二卿皆命於其君下大夫五人上士二十七人○天子使其大夫為三監古監監於方伯之國監於國三人○天子之縣內諸侯祿也外諸侯嗣也制三公一命卷音若有加則賜也不過九命次國之君不過七命小國之君不過五命大國之卿不過三命下卿再命小國之卿與下大夫一命○凡官民材必先論之論辨然後使之任事然後爵之位定然後祿之爵人於朝與士共之刑人於市與眾棄之是故公家不畜刑人大夫弗養士遇

之塗弗與言也屏之四方屏必改反唯其所之不及以政示弗故生也○諸侯之於天子也比年一小聘三年一大聘五年一朝天子五年一巡守手反歲二月東巡守至于岱宗柴而望祀山川覲諸侯問百年者就見之命大師陳詩天音以觀民風命市納賈嫁音以觀民之所好惡好呼報反 惡烏路反志淫好辟僻音命典禮考時月定日同律禮樂制度衣服正之山川神祇有不舉者為不敬不敬者君削以地宗廟有不順者為不孝不孝者君紕以爵紕音變禮易樂者為不從不

校定音訓

禮記

卷四

從者君流革制度衣服者為畔畔者君討有功德
於民者加地進律五月南巡守至于南嶽如東巡
守之禮八月西巡守至于西嶽如南巡守之禮十
有一月北巡守至于北嶽如西巡守之禮歸假于
祖禰假音格至也禰乃禮反用特天子將出類乎上帝宜乎社造
乎禰造七報反諸侯將出宜乎社造乎禰天子無事與諸
侯相見曰朝考禮正刑一德以尊于天子○天子
賜諸侯樂則以祝將之祝昌六反賜伯子男樂則以鼗將
之鬻音桃諸侯賜弓矢然後征賜鈇鉞越音然後殺賜圭

瓚然後為鬯暢音未賜圭瓚則資鬯於天子天子命
之教然後為學小學在公宮南之左大學在郊天
子曰辟雍辟音壁諸侯曰頴宮頴音半○天子將出征類乎
上帝宜乎社造乎禰禡於所征之地禡馬怕反受命於祖
受成於學出征執有罪及釋奠于學以訊馘告訊音信馘
古獲反○天子諸侯無事則歲三田一為乾豆乾音干二為
賓客三為充君之庖步文反無事而不田曰不敬田不
以禮曰暴天物天子不合圍諸侯不掩群天子殺
則下大綏綏音綏諸侯殺則下小綏大夫殺則止佐車

禮記卷之五十五

佐車止則百姓田獵獺祭魚獺他然後虞人入澤梁

豺祭獸然後田獵鳩化為鷹然後設罝羅罝羅草木

零落然後入山林昆蟲未蟄不以火田不麇不卵

麇音迷不殺胎不歿天歿於表反斷殺之也天鳥老反不覆巢覆音六反○豕宰制國

用必於歲之杪彌小五穀皆入然後制國用用地小

大視年之豐耗呼報反以三十年之通制國用量入以

為出量音亮祭用數之仞勒音喪三年不祭唯祭天地社

稷為越紼而行事喪用三年之仞喪祭用不足曰

暴有餘曰浩祭豐年不奢凶年不儉國無九年之

蓄曰不足無六年之蓄曰急無三年之蓄曰國非

其國也三年耕必有一年之食九年耕必有三年

之食以三十年之通雖有凶旱水溢民無菜色然

後天子食日舉以樂○天子七日而殯七月而葬

諸侯五日而殯五月而葬大夫士庶人三日而殯

三月而葬三年之喪自天子達庶人懸封懸音玄封音定葬

不為雨止不封不樹喪不貳事自天子達於庶人

喪從死者祭從生者支子不祭○天子七廟三昭

三穆與太祖之廟而七諸侯五廟二昭二穆與大

宗廟一昭一穆與太祖之廟而三

請度待司空執度度地洛反居民山川沮澤沮將慮反時四

時量地遠近興事任力凡使民任老者之事食

壯者之食凡居民材必因天地寒煖燥濕廣谷

大川異制民生其間者異俗剛柔輕重遲速異齊

才細反五味異和胡反器械異制衣服異宜脩其教不易

其俗齊其政不易其宜中國戎夷五方之民皆有

性也不可推移東方曰夷被髮文身有不火食者

矣南方曰蠻雕題交趾雕刻也題額也趾音止有不火食者矣西

方曰戎被髮衣皮衣於既反有不粒食者矣粒音立北方曰狄

衣羽毛穴居有不粒食者矣中國夷蠻戎狄皆有

安居和味宜服利用備器五方之民言語不通嗜

欲不同達其志通其欲東方曰寄南方曰象西方

曰狄鞮低音北方曰譯亦音凡居民量地以制邑度

地以居民度待洛反地邑民居必參相得也無曠土無游

民食節事時民咸安其居樂事勸功尊君親上然

後興學司徒脩六禮以節民性明七教以興民

德齊八政以防淫一道德以同俗養耆老以致

孝恤孤獨以逮不足上賢以崇德簡不肖以紿惡

命鄉簡不帥教者以告簡擇也者老皆朝于庠元日
習射上功習鄉上齒大司徒帥國之俊士與執事
焉不變命國之右鄉簡不帥教者移之左命國之
左鄉簡不帥教者移之右如初禮不變移之郊如
初禮不變移之遂如初禮不變屏之遠方屏音丙終身
不齒命鄉論秀士升之司徒曰選士選宜練反司徒論選
士之秀者而升之學曰俊士升於司徒者不征於
鄉升於學者不征於司徒曰造士樂正崇四術立
四教順先王詩書禮樂以造士春秋教以禮樂冬

夏教以詩書王大子王子群后之太子卿大夫元
士之適子國之俊選皆造焉造七到反凡入學以齒將出
學小胥大胥小樂正簡不帥教者胥息餘反以告于大樂
正大樂正以告于王王命三公九卿大夫元士皆
入學不變王親視學不變王三日不舉屏之遠方
西方曰棘東方曰寄終身不齒大樂正論造士之
秀者以告于王而升諸司馬曰進士司馬辨論官
材論進士之賢者以告于王而定其論論定然後
官之任官然後爵之任音士位定然後祿之○大夫廢

其事終身不仕死以士禮葬之有發則命大司徒
教士以車甲○凡執技論力適四方羸股肱羸方果反決
射御凡執技以事上者祝史射御醫卜及百工凡
執技以事上者不貳事不移官出鄉不與士齒仕
於家者出鄉不與士齒○司寇正刑明辟婢亦反以聽
獄訟必三刺次音有旨無簡不聽附從輕赦從重凡
制五刑必即天論倫音郵罰麗於事郵音尤凡聽五刑之
訟必原父子之親立君臣之義以權之意論輕重
之序慎測淺深之量以別之別彼列反悉其聰明致其忠

愛以盡之疑獄汜與眾共之汜猶廣也眾疑赦之必察小
大之比以成之比音俾成獄辭史以獄成告于正正聽
之正以獄成告于大司寇大司寇聽之棘木之
下大司寇以獄之成告於王王命三公參聽之三
公以獄之成告於王王三又當作宥然後制刑凡作刑
罰輕無赦刑者例也例音刑例者成也一成而不可變
故君子盡心焉析言破律亂名改作執左道以亂
政殺作淫聲異服奇技奇器以疑眾殺行偽而堅
言偽而辨學非而博順非而澤以疑眾殺假於

行下孟反言偽而辨學非而博順非而澤以疑眾殺假於

鬼神時日卜筮以疑衆殺此四誅者不以聽凡
執禁以齊衆不赦過有圭璧金璋不粥於市命
服命車不粥於市宗廟之器不粥於市犧牲不粥
於市戎器不粥於市用器不中度不粥於市兵車
不中度不粥於市布帛精麤不中數幅廣狹不中
量不粥於市姦色亂正色不粥於市錦文珠玉成
器不粥於市衣服飲食不粥於市五穀不時果實
未熟不粥於市木不中伐不粥於市禽獸魚鼈不
中殺不粥於市關執禁以譏禁異服識異言大

史典禮執簡記奉諱惡烏路天子齊戒受諫齊側司會

以歲之成質於天子會古冢宰齊戒受質大樂正大

司寇市三官以其成從質於天子大司徒大司馬

大司空齊戒受質百官各以其成質於三官大司

徒大司馬大司空以百官之成質於天子百官齊

戒受質然後休老勞農勞力成歲事制國用凡養

老有虞氏以燕禮夏后氏以饗禮殷人以食禮食音

周人脩而兼用之五十養於鄉六十養於國七十

養於學達於諸侯八十拜君命一坐再至警亦如

之九十使人受五十異糧張音六十宿肉七十貳膳
八十常珍九十飲食不離寢膳飲從於遊可也六
十歲制七十時制八十月制九十日脩唯絞給衾
冒絞音又給其鳩反死而后制五十始衰六十非肉不飽七十
非帛不煖八十非人不煖九十雖得人不煖矣五
十杖於家六十杖於鄉七十杖於國八十杖於朝
九十者天子欲有問焉則就其室以珍從七十不
俟朝八十月告存告猶問也九十日有秩五十不從力政
六十不與服戎七十不與賓客之事八十齊喪之

事弗及也齊側皆反五十而爵六十不親學七十致政唯衰
麻為喪衰音惟有虞氏養國老於上庠養庶老於下庠
夏后氏養國老於東序養庶老於西序殷人養國
老於右學養庶老於左學周人養國老於東膠養
庶老於虞庠虞庠在國之西郊有虞氏皇而祭深
衣而養老夏后氏收而祭燕衣而養老殷人冔而
祭冔音羽反縞衣而養老周人冕而祭玄衣而養老凡三
王養老皆引年八十者一子不從政征音九十者其
家不從政廢疾非人不養者一人不從政父母之

喪三年不從政。齊衰大功之喪三月不從政。將徙於諸侯三月不從政。自諸侯來徙家期不從政。期音暮少而無父者謂之孤。老而無子者謂之獨。老而無妻者謂之矜。音解老而無夫者謂之寡。此四者天民之窮而無告者也。皆有常餼。瘠音音。聾跛彼我音反。躄斷者。斷音段侏儒百工各以其器食之。○道路男子由右。婦人由左。車從中央。父之齒隨行。兄之齒鴈行。朋友不相踰。輕任并必政反。重任分折而二之也。班白者不提挈。提音啼擊君子耆老不徒行。庶人耆老不徒食。○方一

里者為田九百畝。方十里者為方一里者百為田九萬畝。方百里者為方十里者百為田九十億畝。方千里者為方百里者百為田九萬億畝。自恆山至於南河千里而近。自南河至於江千里而近。自江至於衡山千里而遙。自東河至於東海千里而遙。自東河至於西河千里而近。自西河至於流沙千里而遙。西不盡流沙。南不盡衡山。東不盡東海。北不盡恆山。凡四海之內斷長補短。斷音短方三千里為田八十萬億一萬億畝。方百里者為田九十億

欽山陵林麓川澤溝瀆城郭宮室塗巷三分去一
其餘六十億畝古者以周尺八尺爲步今以周尺
六尺四寸爲步古者百畝當今東田百四十六畝
三十步古者百里當今百二十一里六十步四尺
二寸二分方千里者爲方百里者百封方百里者
三十國其餘方百里者七十又封方七十里者六
十爲方百里者二十九方十里者四十其餘方百
里者四十方十里者六十又封方五十里者百二
十爲方百里者三十其餘方百里者十方十里者

六十名山大澤不以封其餘以爲附庸間田開音諸
侯之有功者取於間田以祿之其有削地者歸之
間田天子之縣內方千里者爲方百里者百封方
百里者九其餘方百里者九十一又封方七十里
者二十一爲方百里者十方十里者二十九其餘
方百里者八十方十里者七十一又封方五十里
者六十三爲方百里者十五方十里者七十五其
餘方百里者六十四方十里者九十六○諸侯之
下士祿食九人中士食十八人上士食三十六人

下大夫食七十二人。卿食二百八十八人。君食二千八百八十人。次國之卿食二百一十六人。君食二千一百六十人。小國之卿食百四十四人。君食千四百四十人。次國之卿命於其君者如小國之卿。天子之大夫爲三監。監於諸侯之國者其祿視諸侯之卿。其爵視次國之君。其祿取之於方伯之地方。伯爲朝。天子皆有湯沐之邑於天子之縣內。視元士。諸侯世子世國。大夫不世爵。使以德爵以功。未賜爵視天子之元士。以君其國。諸侯之大夫不世爵。祿。六禮。冠昏喪祭鄉相見七教。父子兄弟夫婦君臣長幼朋友賓客八政。飲食衣服事爲異別。度量數制。

早稲田大学図書館

011888003071